

新都縣卷六

祠祀志

邑有祀典首重社稷山川蓋以澤萬物而產百昌
民之元命攸繫其他施法勤事禦災捍患以及忠
節孝義卓然表見於此邦者咸得立祠祀之一以
彰美報一以顯功德也至於仙壇釋梵雖不在祀
典而由來已久且莫非聖人神道設教之遺意因
列叙於後而附以塚墓以不沒古人之蹟云作祠

祀志

新都縣志

卷六

祠祀志

一

社稷壇在縣南門外半里許康熙庚午年知縣趙行可

建嘉慶元年知縣許源重建道光十九年知縣張

奉書培修房宇墻垣 月令仲春之月擇元日命

民社 陳氏禮書曰社所以祭五土之神稷所以

祭五穀之神 賈公彥曰勾龍生為后土官有功

於土死配社而食棄為堯時稷官立稼穡之事有

功於民死配稷而食 山堂考索曰社為九土之

尊稷為五穀之長稷生於土則社與稷固不可分

宜合祭 定制壇制東西二丈五尺南北二丈五

尺高三尺一成用營造尺四出陛各三級繚以周垣四門朱色自北門入壇南中正立石主一去壇二尺五寸露圓頂餘埋土中壇西北隅設瘞坎一成甃砌東向寬四尺深三尺西面作踏道上下神牌高二尺四寸寬六寸座高五寸寬九寸五分未漆青字書縣社縣稷之神臨祭設於壇上一餘詳典禮志

雲雨風雷山川壇在縣北門外嘉慶元年知縣許源重建周官大宗伯以禋燎祀靦師雨師以血祭祭

新都縣志

卷六

祠祀志

二

五嶽以狸祭祭山林川澤唐書天寶五載詔以

雷師與雨師同壇明史洪武初年禮官言風師

雨師之祀見於周官後世皆有祭唐天寶中增雷

師於雨師之次宋元因之然唐制各以時別祭失

享祀本意宜與太歲風雲雷雨諸天神合爲一壇

春秋專祀三年詔以嶽鎮海瀆及天下山川城隍

諸地祇合爲一壇與天神埒定制壇制東西二

丈五尺南北二丈五尺高三尺一成四出陛各三

級繚以周垣四門朱色自南門入壇立石主與社

稷同壇東南隅設燎爐一座甃砌西向神牌高寬尺寸及漆字與社稷牌同書雲雨風雷之神居中境內山川之神居左縣城隍之神居右祭設於壇上祭畢藏之城隍之祠 餘詳典禮志

先農壇在縣東門外雍正二年知縣高尚志建嘉慶八年知縣喻曰泗重修道光十九年知縣張奉書重建瓦房三間官廳二間壇門一座周圍墻垣一院左傳郊祀后稷以祈農事 月令天子擇元辰親載耒耜帥三公九卿諸侯大夫躬耕帝籍

新都縣志

卷六

祠祀志

三

國朝雍正四年令各省督撫轉行府州縣衛擇東郊潔淨豐腴之地照九卿所耕藉田畝數為田四畝

九分立先農壇每歲仲春亥日各率屬員耆老農夫恭祭先農之神祭畢行耕藉禮

舊志禮畢更換朝衣穿蟒袍補服行耕藉禮耆老一人牽牛農二人扶犁正印官秉耒典史執青箱儒學及汎官播種照九卿之例九推九返農夫終畝耕畢各官率耆老農夫望闕行三跪九叩首禮畢農具牛隻耔種灌溉之成規農具俱用赤色牛隻用黑色箱用青色所用耔種照本處所宜蒱麥豆各種播種選擇農夫一名桑榮免其差役酌給口糧令看守壇宇灌溉藉田每歲所收蒱麥豆石數供備柔盛祭器香帛等項數目造册呈報布政

壇制東西二丈一尺南北二丈一司送部查核

尺高二尺一寸一成四出陞各三級繚以周垣三
門朱色自南門入壇東南隅設坎瘞一成西向寬
四尺深三尺東面作踏道上下神牌尺寸與社稷
牌同朱漆金字書先農之神祭畢供設於正房之
中藉田距壇南二十步夾神路東西 餘詳典禮
志

城隍廟在縣城南康熙十一年知縣畢成英重修乾隆
二十三年知縣王垂綺增修 事物紀原云秦功
臣馮尚夢感於漢高祖曰奉天帝命與王領城隍

新都縣志

卷六

祠祀志

四

陰事故自漢以來遂爲天下通祀明初承先代之
舊洪武元年皆加以封爵府曰公州曰侯縣曰伯
三年詔革去封號止稱某府某州某縣城隍之神
是年六月又降旨各處城隍廟屏去閒雜神道廟
宇俱如公廨設公座如守令造爲木主毀其塑像
畀置水中取其泥塗壁繪以雲山其在兩廡者如
之新官到任者俾其與神誓

國朝順治二年八月二十七日祀城隍之神令各郡縣

俱以五月二十八日致祭

舊縣志每歲祭無常期
自春秋二仲合祭於山

川壇外每歲厲壇祭日皆主其祭餘詳典禮志
至水旱祈禱官司蒞任皆特祭焉

厲壇在北門外即漏澤園也嘉慶二年知縣許源重建

左傳鬼有所歸乃不為厲 禮記祭法王為羣

姓立七祀五日泰厲諸侯為國立五祀五日公厲

大夫立三祀一曰族厲 定制壇制周圍八丈四

尺前出陛三級南深六丈三尺北深一丈二尺東

西各廣二丈六尺繚以周垣前立門額厲碑題曰

本縣境內無祀鬼神 舊縣志每歲清明日七月十

神主祭榜無祀鬼魂分祭之用羊餘詳典禮志

新都縣志

卷六

祠祀志

五

倉神廟在倉前 星經有天倉六星天庾四星天囷十

三星 漢書天文志胃為天倉其南眾星曰膾積

即倉神也

獄神祠在土園中 漢書范滂傳滂繫黃門北寺獄獄

吏謂曰凡坐繫皆祭臯陶 晉書禮志故事祀臯

陶於廷尉寺新禮移祀於律署以同祭先聖於太

學也故事祀以社日新禮改以孟秋之月以應秋

政摯虞以為按虞書臯陶作士師惟明克允國重

其功人思其當是以獄官禮其神繫者致其祭功

在斷獄之成不在律令之始也太學之設義重太常故祭於太學是崇聖而從重也律署之置卑於廷尉移祀於署是去重而就輕也律非正署廢興無常宜如舊祀於廷尉又祭用仲春義取重生改用孟秋以應刑殺理未足以相易宜定新禮皆如舊制可

馬神廟在縣署側廣漢驛 馬政爲國家要務故古者重馬祀馬神有四周官春祭馬祖天駟星也夏祭先牧始養馬者也秋祭馬社始乘馬者也冬祭馬

新都縣志

卷六

祠祀志

六

步乃神之災害馬者也隋用周制祭以四仲之月唐宋因之明併諸神爲一壇以春秋二仲月甲戌庚日致祭永樂中立馬神廟今天下廐牧所在皆祀之

土地祠在衙署前 土地之神卽古之所謂社神先儒謂里社則祭一里之地州社則祭一州之地侯社則祭一國之地王社則祭天下之地禮運命降於社之謂殺地鄭康成注云社土地之主也其稱名蓋本於此

火神廟在縣城東乾隆四十五年知縣孫烈建嘉慶十
二年知縣喻曰泗重修 周禮夏官司燿凡祭祀
則祭燿註報其爲明之功禮如祭饗䟽祭燿謂祭
先出火之人 五禮通考高氏愈曰舉火曰燿又
火神之名也謂祝融回祿或謂始鑽燧出火者凡
民非火不活故祭而報其功 火神之祀其星曰
熒惑曰心其帝曰炎帝其神曰祝融家語所云炎
帝配火顓頊氏之子曰黎爲祝融以其所能業爲
官職生爲上公死爲貴神者也歲以六月二十三

新都縣志

卷六

祠祀志

七

日致祭

龍神祠在縣城東南隅考棚前嘉慶十二年知縣喻曰
泗建 龍神之祭古無明文然祭法云能出雲爲
風雨者皆曰神龍四靈之屬亦神類也唐開元二
年詔祀龍神宋大觀中詔天下五龍神皆封王

國朝雍正二年

勅封四海龍王之神五年令各省建廟奉祀乾隆二十
年禮臣議定春秋仲月辰日致祭部頒祭文惟 神
德洋寰海澤潤蒼生允襄水土之平波流順軌廣

濟泉源之用膏雨及時績奏安瀾占大川之利涉
功資育物欣庶類之蕃昌仰藉神庥宜隆報享
謹遵祀典式協良辰敬布几筵肅陳牲幣尙饗

文昌廟在縣城東南隅乾隆五十四年知縣任琦建五
十八年知縣譔克慎增修道光十九年知縣張奉
書培修 史記天官書云斗魁戴匡六星曰文昌
春秋文耀鉤云文昌宮爲天府 孝經援神契
云文者精所聚昌者揚天紀輔弼並居以成天象
接近世以宋封梓潼英顯王當之神姓張名亞

新都縣志

卷六

祠祀志

八

子居梓潼七曲山仕晉戰歿人爲立廟

國朝嘉慶六年列入祀典歲以二月初三日生辰仲秋
諏吉致祭祭品儀注均如武廟之儀詳典禮志

奎星閣在學宮前建自明萬厯時乾隆四十九年知縣
譔克慎重建道光八年知縣段榮恩陶章斌相繼
重修

關帝廟在縣城西康熙四十一年知縣高尙志建乾隆
五十二年知縣王會錕重建道光十三年知縣汪
澍重修每歲春秋二仲月上戊日致祭雍正三年

追封

關帝三代以曾祖爲光昭公祖爲裕昌公父爲成忠公
每歲春秋致祭與崇聖祠同 餘詳典禮志

川主廟在縣城東南隅乾隆四十九年知縣譚克慎重
修

呂真君祠在桂湖嘉慶十一年

勅封燮元贊運警化孚祐真君春秋崇祀十七年知縣
楊道南建道光十九年知縣張奉書重建

觀音閣一在縣城北乾隆五十六年知縣譚克慎重建

新都縣志

卷六

祠祀志

九

閣前有觀音井水極清冽一在桂湖知縣楊道南
建道光十九年知縣張奉書改建

楊狀元祠在縣城西乾隆五十四年知縣徐世經重修
前豎文獻在茲坊道光十二年升菴先生裔孫名
光海重修祠宇並豎有碑記

龍君廟在縣南十五里龍門山祈禱輒應

武侯祠在縣東二十里彌牟鎮前臨八陣圖建置不知
始於何時宋陸游有詩見藝文志明宏治九年巡
按榮華重建

國朝雍正十三年果親王出使西域道經於此畱題建

立碑亭詩載藝文又書萬古純忠額於祠乾隆四

十一年知縣孫烈重修

倉頡祠一在文昌宮一在桂湖歲以三月二十八日祭

白螺泉神廟在縣北五里嘉慶十九年知縣楊道南創

在治北五里相傳昔有白螺在此化泉居民春作

設祭泉即湧出至今民賴其利嘉慶甲戌春雨澤

稀少麥豆枯槁米價日增民溺飢予乃率紳士耆

老禱於白螺祭以羊一豕一泉果湧出是夜大雨

噫泉之靈如此志載靈泉信不虛矣祀典云有功

於民則祀之此泉灌溉民田二千餘畝自縣北流

直達金堂其利甚溥豈可缺報賽之典爰立廟於

泉上永垂不朽云道光二十一年知縣張奉書重

新都縣志

卷六

祠祀志

十

修白螺泉廟記戊戌夏偶旱設壇請雨迄未降父
老曰縣北有泉曰白螺極靈應曷不往禱之爰率
僚屬禱於廟三日大雨越已亥經月不雨禱之應
驗於前顧廟宇建自前令楊君甚湫隘不足妥其
靈余亟思重建以限於地而止庚子冬廖君冲願
施廟側餘地以益之因涓吉興工三閱月而竣建
靈泉閣一座共五間中奉白螺神位周圍植以墻
垣前為靈泉門用銀以數百計董其役者則廖君
文彬懷彬昆季也泉其有靈自今
以往十雨應而百穀蕃其毋俟請

梓潼宮在縣東十五里康熙四十六年建即文昌宮邑

碑記新邑文昌宮乃明楊石齋先生所建今副學

公署其舊基也兵燹後殿宇灰燼焚獻久湮康熙

二十一年間有一綠袍道貌者冠蓋來茲徘徊不忍

置去衆異而問之曰吾自都城來欲於此營室焉

轉盼忽失所在衆方悟為帝君之神遂糾合邑紳

衿士庶迎像以祀然寂無鐘磬聲次年有荷磬者

至止云為綠衣長者所招尾步入室不見其人稔知帝君有靈眾奏金易磬得鳴祭亭如是者顯應累累至康熙丁亥歲始構大殿三間樂樓兩廊亦次第修舉重裝金像募化眾姓凡好善君子莫不解囊樂助是又帝君之靈所致也越三月功成宜刻石以誌不朽

武聖廟在縣東二十三里舊名羅家廟明嘉靖十二年建乾隆三十年羅良才等募

化重修道光二十二年鄰人謀徙於他所邑令張奉書飭令附近士民仍立於舊地經理首事羅應元倡捐數百金重建正殿兩廊及山門立有碑記

關帝廟在縣南十八里

文昌宮在縣南十里

小東嶽廟在縣南八里舊名桂林莊明萬曆十七年蜀府重建兵部侍郎楊廷儀撰文

新都縣志

卷六

祠祀志

七

陝西布政司右參議成都鄭懷德篆書雍正五年邑紳張綱劉國柱梁居仁李正茂等募化重修乾隆二十五年舒其昌王應斗段澤傳有亮等將廟內餘積生息銀置田十一畝三分以資香火廟內有萬曆元年洪鐘一口係縣南城古清寺鑄造乾隆初年首事王應斗於南門河內拾得移至廟內縣西有東嶽廟二所

寺觀

大悲寺舊名白衣菴在縣東南隅龍門書院前明楊

大仁廢宅楊金吾宗吾創修邑令劉文徵撰碑記載藝文有萬曆四十一年所鑄洪鐘一口後殿階下有崇禎二年鐵爐一座募化姓氏俱全

娘娘廟在縣城西乾隆六十年知縣崔特峯建道光十五年知縣錢履和汪澍相

修繼重

五顯廟在縣城西廳署側右創自明時乾隆五十

八年知縣譚克慎重建有萬歷九年鐵鑄五顯神像一軀嘉慶六年培修縣

東二十里亦有五顯廟一所

玉皇觀在縣東關外有萬歷十六年古鐘一口

寶光寺在縣北關外半里建自唐時明正德時邑人楊廷和石子美等添建廟宇金碧輝煌

兵燹盡燬本朝康熙九年知縣畢成英因舊址率邑眾重修嗣後屢行添建修補道光十二年住持妙勝詣京

師請印經典七千餘卷歸貯經樓添買寺田百餘畝新建禪堂廊宇叢

林蔥鬱為一邑勝景祠祀志

新都縣志 卷六 祠祀志 三

淨方寺在縣北二十八里康熙六十年重修

白馬寺在縣北十里康熙二十五年重修有正德十六年古磬一萬歷四十七年古鐘一

普利寺在縣北十里明初建乾隆四十年重修道

光二十年前明也余非敢私臆測度緣客臘在廟督工親觀後殿腐敝命塑工理而新之於佛

臚中拾得尺絹墨書洪武六年裝塑又石佛一尊肩右鐫刻嘉靖二十四年辛丑七月初六日立鐘

一口書正統十三年住持了菴鑄則是廟始於前

明確然可據國初余先世偕鄉鄰仍舊制而重葺之時猶樸陋殿壁周圍俱屬編泥并無裙板石

脚裝修年久圯傾亟須修建歷來住持善純祥輝卒後罕有積貲肩事者至嘉慶初年寺僧不善經

埋債累數千田歸佃壓香火幾廢余先君雨亭公不忍坐視盡力經營銖積寸累十餘年始將活債

滌除原田贖取方思創造而臥病彌留之際諄囑

光海曰余嘗經管廟事辛苦有年所不滿志者未能建修大殿與山門耳汝善繼之余承父志接管廟事三年間建修山門一向佛龕一座大佛二尊嗣因肄業省垣概將廟事付寺僧經管不料寺中連年變故多端積債又復重累是以創修之無日也余今銓授蓬州訓導宦遊在即不能再行料理而又值茲棟朽蠹勢難再緩爰措銀數百金以作正殿及裝修神像培補各項之費肇始於道光己亥孟冬歲事於庚子孟冬凡購材鳩工皆伯弟光俊共勸厥成所有一切經用數目逐欸鐫泐於石以誌不朽庶後之來者亦有所考云道光二十年歲次庚子孟冬月立

靈官祠在縣北八里

二郎廟在縣北八里

老君觀在縣北十里有隆慶六年古鐘一口

新都縣志

卷六

祠祀志

三

火神廟在縣北十二里有正德三年古鐘一口

琉璃寺在縣北十二里有萬曆六年鐵鑄韋馱法

像一尊萬曆二十四年古磬一口

鄭家廟在縣北十二里

淨室堂有三一在縣北十三里一在縣東二十里

一在縣南三十二里

楊家庵在縣北十四里有萬曆癸卯鑄磬一口崇

正二年鐘磬各一口

下河西寺在縣北十四里

前寺在縣北十六里

後寺在縣北十七里

南峯寺在縣北二十里有萬曆時古磬一口

華嚴寺在縣北三十里乾隆十四年重修

觀音庄在縣西五里

慈義寺在縣西七里

旃檀寺在縣西十三里創建不可考明宣德二十三年庚戌閏十二月培修佛殿樑墨書大字猶存明季兵燹賊縱火焚燒其火忽旁折焚寺厨數椽而殿宇如故至今遺燼之痕跡顯然

仁壽宮在縣西十二里

新都縣志

卷六

祠祀志

古

華藏寺在縣西十二里即明之靜慧寺有明尚寶卿楊金吾重修靜慧寺碑記新都之靜慧寺其來舊矣在邑西郊義禮鄉之東肇自宋淳祐間迄今父老相沿俗呼為觀音寺即其寺也洪武

甲戌有善士黎鑄鎔者捐貲創造雕鏤石工奇麗香爐一座佛像懋加粧嚴於是崇信其法求福田

於其地有較靈者一方此鄰共多集祥受祐未可謂神聖之有不在人心人心之有不達乎神聖也

天順初鄉人厭其湫隘而重建之萬曆中更有僧續鑿續涼等暨其徒與孫復為之修葺增飾余會

頻履其域而聞鐘鼓之聲通幽徹明課誦之勤警心範俗是誠一仁里之美而寺適都之也近年以

來藺賊猖獗而衝突毀壞土流恣意而棲被侵損

相繼傾圮不可勝言矣乃有子來九甲行僧海宗

者以錙樹流以醫著稱居積雖未致富而懿好素

有獨深一旦慨然傾其囊篋舉殿刹而鼎建之愈

加粧整其佛像一時金碧燦爛丹堊輝煌誠環邑

所罕就也然尤慮其歲月之久遠香火之湮墜而
仍出價簡選膏腴土田四垧載糧六斗四升四合
以爲永世然燈之資是雖一僧寸心之微忱而實
萬古不夜之深衷矣招徒寂福正覺親姪惟參繼
而徒之種種皆有不可磨滅之思又奚啻紹鑾涼
等而有作也哉良不當掩善有宜稱揚可法來禩
遂以聿觀厥成而索余爲碑記因述所由來錄所
謀建勒石永垂不朽云時崇禎十三年庚辰春王
正月上海元日中憲大夫尙寶司卿楊
金吾撰人丁壹丁原糧二碩四斗

石家菴在縣北三十里

圓通寺在縣北三十三里

甘露菴在縣東十里

古子來舖也元至順三年建
明初僅正殿一向宏治嘉靖
屢加修葺兵燹後亦復頽毀
本朝康熙三十五年雍正六年疊次培修殿側殘

新都縣志

卷六

祠祀志

五

碑已斷成兩節字蹟亦
明滅兼半然大致可攷

高觀在縣西十五里

迴龍寺在縣西十八里

白雲菴在縣西二十里

安樂寺在縣西二十里

石佛菴在縣西十一里

白水寺在縣西十八里

明邑人朱聘碑記立碑頌
德固下人愛土之心刻石
紀功迺仁人取善之術彼事出疏庸固難悉數而
一善可錄雖聖弗遺茲以新都義之里有寺名曰

白水自唐宋有之及元兵混亂碑記不存僅有遺
址天朝洪武初聖祖平元天下統一百廢俱興始

而覓僧智覺為寺住持當時林木荒蕪草居式微
佛殿廊房門垣未有也宏治丙辰僧性曉者本里
孫氏之子也自幼出家身端行潔筋徒湛王力事
耕農因有餘積志存修建協鄰眾朱鑑高志虎志
熊伐寺林木出已所有鳩工取材修豎大殿一所
佛像備著其龍祖天王諸殿尙未有焉曉僧未就
而卒正德初年有僧性通者里人朱景山之子也
十二出家始從禪教遊觀大峩諸佛道場苦行修
真休歸白水行檢冰玉恒操不變之節志惟恢復
啓光前裕後之功率徒海祥者里人朱俸之子也
志行同師力農不解菑畚屢耕獲之豐薄疏儉施
陳陳裕相因之積師徒慮焉謂多財並非吾僧之
事樹績還從佛道之隆罄捐所有修建龍祖殿使
佛像有棲相佛之准宜也繼修天王一殿塑地藏
居焉四王之所存也以善感人足歆族耆覃萬金
鄰耆高俊並高廸朱大賢分塑四王神像焉收買
華嚴大經二櫃裝修萬歲龍座三牌鼎器諸物備
具寺之規模始大左右前後四顧周完焉又思寺

新都縣志

卷六

祠祀志

六

之所藉者僧僧之所藉者食徒新廟貌於一時而
使繼守之無基則謨謀不訏近功之淺淺耳爰續
買鄰田四垧陸地三塊羅列寺旁隨帶稅糧一斗
出編僧籍貢賦有異盟誓常住以充徒子徒孫守
寺寄食之資使僧徒不得輕廢強俗不得兼取焉
同寺僧湛玉另買鄰田三垧陸地一塊隨帶稅糧
五斗七升兼為常住亦充徒子徒孫守寺寄食之
資祥僧預置碑石二十有餘年未暇樹立惟慮日
久時遠淹於泯沒士夫往來徒延觀視因謀諸聘
焉聘亦里人也自少作養庠生選癸丑貢昔常遊
息於寺接僧之行操事就而紀之不敢自專焉請
於署縣事縣主二尹濬川薛公海俯而喜焉於以
泐石垂示不朽使後之觀者効勞於興廢舉墜竊
比南人慕召甘棠勿剪勿敗之意焉明嘉靖三十
二年癸丑孟秋
月十二日立

木蘭寺在縣南十五里龍門山

始建不知何時明有龍門塔及鐘坡

兵燹後俱毀康熙四十五年邑人古成魁鞠仲高等十一人重建殿五重周迴墻栽置柏樹上有清泉每歲乾涸其水不枯北面山腳下有龍洞一所小河一道即龍門河也

報恩寺在縣東六里雍正元年建

迴龍菴在縣東十里

白馬祠在縣東十五里

白衣菴在縣東十七里

龔家廟在縣東十七里

王家菴在縣東十七里

彌陀院在縣東二十里即宋之菩提院陸放翁有詩康熙四年重修嘉慶丙子知縣楊道南

新都縣志

卷六

祠祀志

七

培修後住持不得其人燬敗之至道光十七年知縣張奉書諭令寶光寺檢僧護視僧正果募建山

門大殿內有嘉靖時石香爐二座鐘一口慶六年鐘一口萬歷金爐一座崇正磬二口

獅子菴在縣東十六里雍正元年建修道光二十二年邑令張奉書命寶光寺僧德慧住持

培植廟貌煥然一新

雙龍菴在縣東十里

觀音寺在縣南三里地名師家營建自明時康熙五十六年邑武舉張綱等重建廟宇及正

殿乾隆壬寅年邑生員涂文衡及子貢生兆桂捐田瑞等募化承修後殿涂文衡及子貢生兆桂捐田

十畝以作焚修之費道光二十三年邑貢生陳于培鞠汝瑗朱席璋陳于宗等募化捐貲重建新殿

並兩廊前殿及左右廂房週圍墻垣並添置廟後林地三畝零其樂樓係乾隆丁未年朱德粹賴宗

琳譚經等
募化新建

泗州院 明之普光寺在縣南十里萬曆四十六年
戊子十二月住持慶悅募修有鐘一口係

成化九年鑄康熙己卯苟應弼募修正殿
兩廊道光庚寅年九月首事等建修二殿

鎮靜菴 在縣南六里有古磬一口萬曆三十年十
月初三日邑民梁徵捐造又磬一口崇禎

十年三月十五日高遠妻楊氏同子捐造正殿康
熙三十二年癸酉冬月二十四日邑令祁斌募修

二殿乾隆六年辛酉仲夏月邑令張昉建修道光
十七年丁酉季春邑令張奉書添建樂樓首事趙

際昌等經
紀重修

涂家廟 一名仁壽宮在縣南七里康熙四十四
年首事王懷德任廉等二十八人募修

東林寺 在縣西十里康熙四十四年首事王成德
成理成海成友重修二殿乾隆八年重修

新都縣志

卷六

祠祀志

六

正殿有古爐一座萬曆二十二年鑄鐘一口萬曆
四十六年造二殿有鐘一口萬曆四十四年十一

月鑄

福緣寺 在縣南
五里

正因寺 在縣南七里唐咸通時建名靜樂院明永
樂時改為正因寺萬曆時僧果慶改建規

模式廓為新邑一大叢林詳載湯仰碑記明末
毀敗乾隆十四年住持貞潔獨力捐金重修

五靈寺 在縣南二十五里舊名都爺廟所祀之神
張都李都毛都及關聖天后之神相傳張

李毛三人為粵之長樂人明季寇亂時協力保護
粵民民賴以安後俱陣亡屢著靈異粵人家家祀

之 國初長樂楊馮繆李江黃六姓人移家入蜀共建
此寺以答神貺示不忘本也詳

見邑孝廉馮淑楷所撰碑記

慈雲院 一名張家菴在縣南十五里創始於明萬
曆二年又於康熙二十五年重建道光四

年重修

鐘嘴東林寺 在縣南十四里明時建康熙三十年
陳治策黃永章投成彩朱大成僧德

果募化
修建

雙桂寺 在縣東二十里

雙水寺 在縣東二十里

白衣寺 在縣南
十二里

寂光寺 在縣南
十二里

雙元寺 在縣東二十里乾隆二十二年建

新都縣志 卷六 祠祀志 九

新寺 在縣南十七里乾
隆二十四年重修

龍伏寺 在縣南十五里繁陽山

藥王廟 在縣南
二十里

王婆廟 在縣南二
十二里

蔡家廟 在縣南二
十五里

嚴家寺 在縣南
三十里

范家寺 在縣南三
十二里

白衣菴 在縣南三
十二里

白塔寺 在縣南
三十里

楊家廟 在縣南三十八里

墳墓

東漢兗州刺史雒陽令王渙墓在縣北十五里舊有

二石闕各高三丈今只存一闕碑中大字分裂為

二道光十七年知縣張奉書將碑兩旁用磚石嵌

合碑字為一以存舊觀清丈墓基周圍及墓前餘

地作葫蘆形共計三畝五分五釐零六系一忽於

墓前餘地修瓦房二間計二分四釐二毫零八忽

招佃看守歲取租穀以為祭掃之用立案存據並

新都縣志

卷六

祠祀志

三

大書神道碑一通於道左

碑目考在新都縣五里渙字穉子東漢循吏也

冢前有二石闕一題漢故兗州刺史雒陽令王君穉子之闕一題漢故先零侍御史河內縣令王君穉子之闕蜀碑記補漢王渙墓即王穉子闕元興

元年字原云在成都府今在新都縣闕有二其一

云漢故先零侍御史河內縣令王君穉子之闕金石錄

云後漢書循吏傳王渙字稚子渙以元興元年卒

蓋和帝時所立也隸釋云成都新都縣有渙墓此

墓前之雙石闕也其上各刻車馬之狀一則二人

乘馬一則二人乘車挽之者橐佗也隸續云闕之

兩角有斗斗上鐫耐童兒又作重屋四壁刻神像

人物車馬之類亦有漫滅者有先置二字在右闕

南面稚字在北面子字在東面雒陽二字在左闕

西面洪适隸釋右雒陽令王稚子二闕王君名渙

其字稚子廣漢郡人也東漢循吏有列傳渙舉茂

才歷溫令兗州刺史侍御史洛陽令以和帝元興

元年卒今成都新都縣有渙墓此墓前之雙石闕也趙氏云本傳稚子嘗為温令而碑作河內令乃史之誤其說非也温者河內之邑河內是郡名無令也碑云河內縣令者以郡為尊蓋謂河內之縣令爾即温也先靈之稱它碑所無碑中縣字反系作線黃易小蓬萊閣金石文字崇正十三年太倉黃翼聖知四川之新都縣余按隸釋以二闕字屬之至十七年解縣事歸出此為贈云二闕已橫臥榛莽中各失其下半截矣此後四川兵戈雲擾人煙斷絕正不知二闕尚存否也洪趙所藏二闕俱有全文故知其名漁歐陽所藏止刺史一闕而又失去王君下二字遂不知為何人止據雒字去水加佳為光武以後字定為後漢人耳苟非洪趙兩君子則今之見二闕者何從知其為稚子哉丁酉正月顧苓記又云漢王稚子石闕載洪趙二錄甚詳崇正庚辰余之官新都即古郪縣道旁二闕儼然在焉癸未余量移彰南命工搨數本以歸中間殘闕共十一字據葛君常云吳中藏本皆同其漫

新都縣志

卷六

祠祀志

三

滅自何年已不可考矣歲次屠維大淵獻如月望日攝六老人識金石圖闕在新都縣北十二里官道西墓前高一丈五尺濶三尺厚二尺五寸字逕三寸五分東向按王君闕有二其一云漢故先靈侍御史河內縣令王君稚子闕雍正九年沒於溝水中爾漢金石記新城王文簡秦蜀驛程後記所錄西闕正面曰漢故先靈侍御史河內線令王隸書其陰曰西漢循吏云云行楷直下書又云石闕闕字中畫已失之矣然此陰以今拓本驗之乃是雒陽令一闕之陰非河內線一闕之陰也文簡蓋偶誤記耳又云拓本楷書二半行乃王稚子闕之陰殘字也不蓬萊閣金石文字王君有二石闕先靈一闕沒於溝水今二拓本並存又有文柘顧苓題記可貴也曰河內縣令者君先為河內郡温令也曰故兗州刺史者由温令遷也曰先靈者猶言故也曰侍御史者坐考妖言不實罷刺史又徵拜侍御史也雒陽令者由侍御史還為令也合二闕而書君居官乃脩予斷之曰此温與雒二縣民各

爲君建一闕故各題其縣不然何以一人有二闕
一闕只追書前官而不書卒於其位之官也華陽
國志曰明廉侍御史洛陽令王渙字稚子邾人此
只書卒於其位之官書法之應爾也書河內縣令
而不書雒陽令書法之不應爾也予故曰先靈一
闕是温縣民之所建也君之在温也其有放牛者
輒云以屬稚子者以放牛者猶知其字無人不知其
曰王君稚子者以元興元年病卒於洛陽民立祠安陽
亭西絃歌以荐食歌曰孝和帝在時洛陽令王君
本自益州廣漢蜀人蓋又人人無不呼爲王君者
矣乾隆乙巳大雪前七日石公張塤授堂金石記
黃小松所藏舊拓本字尙顯存惟線字損剝趙德
甫釋線作縣謂稚子嘗爲温令而刻石爲河內令
者蓋史之誤洪氏指河內縣令者以郡爲尊蓋謂
河內之縣令耳即温也予以字証之温通作緼隸
釋所存線字即緼字之轉今此拓本線旣全沒蓋
當宋時必亦有殘蝕遂至誤認爲縣案詩飲酒温

新都縣志

卷六

祠祀志

三

克禮器温之至也內則柔色以温之漢書義縱傳
少温藉義並與蘊藉同則石刻舊必作緼也稚子
見古樂府亦言渙從温補洛益證史爲非誤雲漢
正義温字引定本作蘊小蓬萊閣金石文字漢王
稚子雙闕今只存漢故兗州刺史雒陽八字餘不
可得惟此雙闕拓本尙存二十字久在江寧龔鹿
樵家乾隆丁酉董小池雙鈎一本寄贈易數煩石
友求取原本越八年乙巳之夏嚴侍讀道甫爲易
作緣遂歸小蓬萊閣子羽令新都時值蜀中雲擾
讀蓮菴居士集中寇警諸詩想見干戈戎馬之苦
幸得歸老江南優遊泉石其手拓片紙自覺可貴
今復爲黃氏所有亦一奇也錢唐黃易識於祥符
寓館王昶金石萃編按二闕已亡其一昶家藏舊
拓本先靈一闕尙存全蝕者惟四字耳稚子爲河
內温令而闕題河內線令金石家皆釋爲河內縣
合曲爲之說武君億獨云線卽緼字緼與温通其
論甚核隸書盈字作盈與臬相似石刻剝落遂釋
緼爲線指爲縣字反文謬也商周器物文間有偏

旁互寫如駒作碼鄙作隨之類不可勝數漢魏輒
瓦欵識亦多反文者良以字出模范易於顛倒漢
碑皆由當時鐫刻應無此誤且漢人題名大率郡
縣並書碑陰中此例尤夥其有郡縣同名不嫌複
出如孔彪碑博陵之類從未見縣名之下復加縣
字者益足見諸家所釋為未確也蘊縕温古並同
聲詩小宛云飲酒温克箋云猶能縕藉自持以勝
正義云定本及箋皆作温字舒瑗毛詩義疏云包
裏曰蘊謂蘊藉自持含容之義經中作温者蓋古
字通用方言蘊崇積也廣雅蘊崇積也說文蘊積
也引春秋傳云蘊利生孽今本昭十年左傳作蘊
利又昭二十五年左傳蓄而不治將蘊蘊蓄民將
生心顏氏家訓引郭璞三倉註云君蘊藻之類也
以蘊蓄為蘊蓄蘊藻為蘊皆蘊温相通之證東觀
漢記稱渙除河內温令商賈露宿人開門臥人為
作謠云王稚子代未有平徭役百姓喜蓋渙得民
心如此

新都縣志

卷六

祠祀志

三

征西將軍馬超墓在縣南三里按察使楊瞻監碑
表之道光十七年知縣張奉書清丈前後基地共
三畝一分七釐四毫周圍監以墻垣栽置柏
樹前立簽門招佃
看守歲時祭掃

元杜圭墓在縣東北二里

明清風先生楊學可墓在縣東二十里太平橋

知縣張奉

書清釐清風先生墓道碑記楊敏字學可邑人師
杜圭博通經史元末避兵雲南還蜀明玉珍以助
教招之不應洪武時以逸召賜鈔歸隱蜀獻王
禮為國中士子師於駟馬橋北給田八十畝贈以
聯云流水畫橋題柱客清風精舍讀書人學者稱
清風先生卒歸葬於新都縣東二十里太平橋墓
碑係嘉靖丁巳五世孫龍等立今其子孫不知遷
居何所兩旁叢葬數塚道光二十四年六月二十

六日子親詣履勘傳集地鄰温德煥黎詩秀王世昌等籌議於清風墳後及兩旁立一圜埂上種柏樹百株墳前作拜台圜埂內有古墓一所黎詩秀等祖墳一所王良才墳一所計占温德煥旱地一分黎詩秀旱地三分餘温德煥黎詩秀俱愿捐出以作培補清風墓基之用王世昌之父良才墓旁旱地八厘餘讓出作價錢六千文良才墓有墳無地黎詩秀等祖墳亦只祭掃不得進葬統計墓基五分一厘四毫一絲六忽立案存據今將培修圜埂界址並温德煥黎詩秀王世昌三姓讓地善舉豎碑墓側以垂永久

德陽僖安王墓在縣南十五里清泉山

楊壽山墓在縣西一里自吏目楊玟以陰隲普齋

僧幾千人遇高僧指授此地舊有直渠寶光塔影

新都縣志

卷六

祠祀志

三

掩映其中名曰玉筆點銀河

贈少保楊玟墓在縣西一里

贈少保楊春墓在縣西一里勅建

有正德諭祭文並勅修墓碑記

維正德十年歲次乙亥七月丙戌朔越九日甲午

皇帝遣禮部精膳清吏司署員外郎主事祝鑾

諭祭於封少保兼太子太保戶部尚書文淵閣

大學士楊春日卿經學淳深才猷通敏中年登

第列職大行僉憲外臺職司學政人才彙進茂著

聲稱旋復辭榮葆光邱壑鄉評推重家慶彌增有

子白眉致身黃閣作予良弼足稔義方紫誥連封

增華畫錦五福備具八袞康寧眷此休徵謂宜百

歲訃音忽至良用疾懷特勅所司為營葬事先茲

諭祭用慰明靈不亡者存尙克歆服右一壇聞

喪祭一日乙丑維正德十年歲次乙亥八月乙卯朔越十

皇帝遣禮部精膳清吏司署員外郎

主事祝鑾諭 祭於封少保兼太子太保戶部尚書文淵閣大學士楊春日自卿云亡今已七日追惟往事來復無期士類與嗟朕心增悼乃睦西顧諭祭載頒黍稷牲牲清酤既戒卿靈如在庶克歆承 右二壇七日祭 維正德十年歲次乙亥十月甲寅朔越二十日癸酉 皇帝遣禮部精膳清吏司署員外郎事主事祝鑾諭 祭於封少保兼太子太保戶部尚書文淵閣大學士楊春日自卿云亡今始襄事凡附於棺靡不周至家餘善慶鄉有遺思尚佑爾子亟起濟時一品封塋過者必式諭祭重頒靈其來格 右三壇襄事祭 維正德十年歲次乙亥十月甲寅朔越二十三日丙子 皇帝遣禮部精膳清吏司署員外郎事主事祝鑾諭 祭於封少保兼太子太保戶部尚書文淵閣大學士楊春日自卿云亡今已百日易邁者時難忘者德塋前松柏人見新栽十年以後尚作良才加祭有儀渥恩無極九原有知庶幾悅懌右四壇百日祭 工部為丁憂事該本部題屯

新都縣志

卷六

祠祀志

五

田清吏司案呈奉本部送准禮部咨開少師兼太子太師吏部尚書華蓋殿大學士楊廷和係四川成都府新都縣人由進士歷陞前職伊父楊春係誥封少保兼太子太保戶部尚書文淵閣大學士於正德十年正月在家病故例應守制緣由該吏部題節奉 聖旨已有旨畱用了着該部還差官去管理祭葬欽此欽遵備咨到部送司查得先該禮部議得今後文武大臣病故官為造墳者若夫故在前併造其妻之壙妻故在前則併造其夫之壙夫婦先茂亡故正與共造墳塋一所同一享堂不許另造等因題奉 英宗皇帝聖旨是合葬本古禮今後為親王以下造墳一體遵行欽此又查得近該工科題為審時省禮以寬民力事該本部議擬病故大臣中間果有功德昭彰聞望素著公議無過及經帷纂修効勞年久此等官員病故候禮部議奏至日合依舊例差官造墳俱聽本部臨時斟酌奏請定奪等因題聖旨是造墳開壙工料價銀則例都准擬行欽此已經通行欽遵去後今

該前因隨據本家告稱伊夫人葉氏先年病故比
因不曾受封官為造墳等因案呈到部臣等看得
少師兼太子太師吏部尚書華蓋殿大學士楊廷
和係輔導重臣經帷纂修効勞年久伊父楊春係
誥封少保兼太子太保戶部尚書文淵閣大學士
係一品大臣病故既奉有前項欽依應合差官造
葬及照伊夫人葉氏先年病故不曾官造墳續
一 品夫人所據墳壙應該一併營造合葬今照本
部署員外郎主事王孝忠在任堪以差用本部合
無照例給批定限差委本官以給批日為始計筭
水程期限行移兵部應付前去四川布政司比號
相同轉往成都府着落當該官吏將該用物料先
儘在官收有內支用不敷之數量派所屬起辦司
府各委佐貳官一員管領前去造墳處所聽本部
委官督理用工依式造葬畢日仍將用過價銀夫
匠物料數目明白通行本布政司類造黃冊一本
奏繳青冊一本送部查考緣係照例給批差官造
墳及奉欽依該部還差官去管理祭葬事理未敢

新都縣志

卷六

祠祀志

三

擅便正德十年三月十九日太子太保本部尚書
李鑑等於奉天門具題二十一日奉聖旨是欽此
欽遵擬合通行為此照會本布政司轉行該府着
落當該官吏照依本部題奉欽依內事理一體欽
遵施行須至照會者 右照會四川等處承宣布
政使司 正德十年三月二十一日照會 工部為
丁憂事該本部題屯田清吏司案呈案照先准禮
部咨開少師兼太子太師吏部尚書華蓋殿大學
士楊廷和伊父楊春係誥封少保兼太子太保戶
部尚書文淵閣大學士於正德十年正月二十二
日在家病故節奉聖旨着該部還差官去管理祭
葬欽此欽遵備咨前來已該本部照例題准於正
德十年四月二十七日差委本部虞衡清吏司署
員外郎事主事王孝忠給批前往四川布政司比
號相同轉往成都府新都縣督造墳塋去後今准
虞衡清吏司付開近據中書舍人楊恒報稱員外
郎王孝忠於正德十年十月內在彼病故等因到
司所據前項墳塋未完相應差官管理及查正德

十年十月內因禮部尚書劉春伊母鄧氏在家病故本部照例題准借差該部主客清吏司主事余才前去重慶府督造墳塋未回案呈到部臣等看得署員外郎事主事王忠孝既已病故前項墳塋未完應合再行差官督造但本部屬官俱有差占無盡委所據先差主事余才見在重慶府督造已故夫人鄧氏墳塋與成都府地方相近合無候命下之日行令本官不妨原務就彼往來催督原委司府官員將已故封官楊春墳塋作急督造完畢仍將用過夫匠物料數目通行本布政司類造黃册一本奉繳青册一本送部查考緣係委官造墳事理未敢擅便正德十一年二月二十八日太子太保本部尚書李鑑等於奉天門具題本月三十日奉聖旨是着原差主事余才就彼督造完備不許遲誤欽此欽遵擬合通行劄付本職照依本部題奉欽依內事理一體欽遵施行須至劄付者右劄付本部委官主事余正德十一年三月初二日劄付

新都縣志

卷六

祠祀志

七

光祿大夫柱國少師兼太子太師吏部尚書文淵

閣大學士諡文忠楊廷和墓在楊春墓左

修撰贈光祿寺少卿諡文憲楊慎墓在楊春墓右

兵部侍郎楊廷儀墓在縣北十八里臥龍岡

喻夫人墓在縣南二十里爛泥溝明勅建

有正德諭祭文

並勅修墓碑記

維正德八年歲次癸酉七月丁卯朔越十二日戊寅

布政使王倬諭祭於少師兼太子太師吏部尚書

華蓋殿大學士楊廷和妻封一品夫人喻氏曰惟

蜀有良賢惟子良佐昔在春坊喪其內助爰求繼

室久乃得之爾旣于歸內外咸宜子日母慈舅日

婦孝鄉黨族姻是則是效方期偕老壽考維祺云

胡一疾遽止於斯哀死厚終國有常典視秩加恩

禮寧不腆萬里遣祭用憫爾靈不忘者存庶克歆
承維正德八年歲次癸酉十月乙未朔越二十
七日辛酉皇帝遣四川布政使司右布政使胡
宗道諭祭於少師兼太子太師吏部尚書華蓋殿
大學士楊廷和妻封一品夫人喻氏曰自爾云亡
奄更時序靈櫬既歸禮儀亦具墳塋有制享侑有
堂辰良日吉百世之藏山遠川長令聞不已委祀
發祥自今其始生兮賢淑歿必有知尙歆予祭以
永厥垂工部爲給假事該本部題准禮部咨於
工科抄出少師兼太子太師吏部尚書華蓋殿大
學士楊廷和奏臣妻喻氏累蒙恩典封至一品夫
人不幸在京病故伏望聖恩准臣給假整理喪
事等因奉旨卿既有妻喪准給假數日卽出供職
喻氏應得祭葬等項該部查例來看欽此欽遵查
得先該禮部議得今後文武大臣病故應爲造墳
者若妻故在前則併造其夫之壙等因題奉英宗
皇帝聖旨是合葬本古禮今後爲親王以下造墳
一體遵行欽此又查得近該工科題爲審時省禮

新都縣志

卷六

祠祀志

三

以寬民力該本部議擬病故大臣一品者該給工
料價銀三百兩夫匠二百名每名出銀一兩給付
喪家自行造葬中間果有功德昭彰聞望素著公
私無過及經帷纂修効勞年久此等官員病故候
禮部議奏至日合依舊例差官造葬俱聽本部臨
時斟酌奏請定奪等因題奉聖旨是造墳開曠工
料價銀則例都准擬行欽此已經通行欽遵去後
今照大學士楊廷和係輔導重臣經帷纂修効勞
年久今伊妻夫人病故例該併造墳壙差官督造
及照本部屬官俱有差占行查得刑部雲南清吏
司主事張元電堪以借差本部合無給批限定限行
移兵部照例應付前往四川布政司比號相同轉
行成都府府著落當該官吏將該用銀價夫匠行屬
起辦本府仍委佐貳官一員管領前去造墳處聽
本官督理用工依式造葬畢日仍將用過夫匠物
料數目通行本布政司類造黃冊一本奏繳青冊
一本送部查考原係照例給批差官造墳安葬及
奉欽依事理未敢擅便正德八年二月初十日太

新都縣志

卷六

祠祀志

五

子少傳本部尚書李鏊等於奉天門具題二十日

奉聖旨是欽此欽遵擬合通行為此劄仰本官照

依本部題奉欽依內事理欽遵提督造葬施行

計開催各州縣工料夫匠布政司都事程忠

丈量墳地成都府通判劉寶新總督工成都府推

官汪儉崇慶州判官白雲鵬新都縣知縣胡進律

華陽縣教諭余翔督造石工新都縣主簿宋惟

中辦事催工承差何琛監督工料仁壽縣

陰陽官李正督造石匠工仁壽縣主簿沈輝

窰廠管夫華陽縣義官李森管運石料金堂縣

典史崔淮義官傅永和任果張語聶銳蔡敬程儉

買木料醫官徐潤史文益義官謝彌監督絲

畫夫匠府吏廖伯玉墳窰二廠管夫府吏裴大

章祝鳳齡劉河嚴友諸裴大智收查石料縣吏

苟廸楊厚童冠管築墻垣縣吏陳琳老人王興

鄭敖收支錢糧老人王瓊吳道良查算錢糧

書手陰仲翺嚴大義朱大銀各色作頭劉大廷

王鳳山謝思聰牟宣洪永祥熊簡胡自成趙友李

牛兒舒秉勝舒貴鐫字匠李榮擇地陰陽生

董弼張茂盛寫碑金堂縣義官田厚正德八

年十月初二日興工九年九月十七日工訖

王安人墓在喻夫人墓側楊慎撰亡妻王安人墓

母朱氏王世為龍州宣撫司人禮部公早年能以

才名起其地繼以科第望其族令完縣有治行在

儀曹多文藻大獲鑒譽於邱文莊公一時名輩咸

願交之家君尤與為莫逆遂結婚姻之好安人許

聘予實在兒齒未幾何喪其父憑棺號踊絕者數

於新哀哽贊其至性時五歲也年二十一來歸予

善事我順於姊姒情如同產葦予女弟二人紉績

四月郵寓無障弗得躬奠朝夕每正几正室拜餞

其旁如生禮至家三年哀哭如一日服除北上因

子耕耕殤哀傷成病無月離床闕丁丑予滿初命
被恩綸受安人封以疾滯踰年未得冠帔見廟是
冬予在告歸安人自幸得見其母心竊喜至家疾
少愈然未去藥餌也忽晨興告予曰妾夢不美恐
不得久侍君子也又曰聞長者言女病忌生後辛
生辰在五月二十七日今越矣予怪其言曲為寬
譬然自此日沉滯以及危殆呼予與訣時適報客
至安人猶曰遠親在門不可以慢君必出應之言
已不復出聲少姑太孺人蔣問所欲言張頤揚指
而已至夕乃絕七月七日也享年僅三十二悲乎
悼矣安人生為孤女終鮮兄弟而敬出於天性
為婦十二年勤生儉用以佐理有家待下有恩予
或時督過侍媵亟為解釋之令節家宴未嘗着重
絲內親或謂曰家世祿身命婦何苦自約對曰數
衣則敝敝必製新恐其殄靡非所以稱君子之清
範也聞者三嘆其言安人數孕不育恩恩者副室
之子也彌月母亡安人以爲己子鞠而翼之過於
所生人以爲難嗚呼天胡爲殲我良配平生相憐

新都縣志

卷六

祠祀志

三

死相捐予情曷爲其有己邪於其葬也誌以告哀
是歲爲有明正德戊寅十月一日銘曰龍門之阡
恩波之淵中有封塋蔚何芊芊婦其從姑旣
安且堅妥如千年予銘可傳予悲不可鐫

楊寧仁墓在縣北十二里普利寺側

楊金吾墓在楊寧仁墓側

昭信校尉百戶侯湯鼎墓在縣南二里崇禮鄉墓前

有明懷遠將軍成都府後衛指揮同知陳敬撰墓誌一通正統八年癸亥四月十五日立碑字半磨滅不可句讀

昭信校尉百戶侯湯毅墓在湯鼎墓側明故昭信校尉湯君

墓表主新都驛事昭信校尉湯君百戶侯旣沒後十有七年其子榦哀次八公之行實謁予於長安官

舍拜泣以請曰惟先君幸依仁里之光至啓手足以終不孝榦拘於官守弗走四方請銘於鄉大夫以永慰泉壤之思今木已拱矣痛惟不孝所以圖先德不朽者惟墓有表惟執事不鄙而與之非直先德賴以不朽而不孝終天之憾亦庶乎少紓矣余與君雅有舊誼且哀榦之能追慕其親於既往也故爲之表君諱毅字致遠其先山東濟寧人祖諱祥洪武初以頭目從事征蠻將軍臨敵犯難死於先鋒父諱鼎沉毅剛勇克修前烈累陞成都後衛百戶侯俾世署新都驛事故今子孫遂居蜀焉公少負其氣豪宕不羈至於涖官慎飭有加故新都雖當連雲要衝車騎所至輪交蹄摩公處之不懈憚勞勤劇煩並理暇則閉戶讀從橫書兼理孫吳張韓之術尤善騎射每遇知己輒命僕駕騶引弓挾矢相與角勝負曰此吾志業也方今聖明理天下小大罔不庭惟西北醜虜猶負命吾將有所試矣至遇尊貴亦懇懇語此以見意時大總戎陳國公朱勇奇其偉論薦之京師君不幸得痼疾謝事

新都縣志

卷六

祠祀志

三

以歸又有十九年疾竟不起天順五年十二月初三日也享年七十有三配虞氏繼配符氏子男長榮先卒次榦卽請文者俱克紹先業孫男欽鎧銳尚幼嗚呼公之志與材亦可尚也已使天康其生以究厥施當何如哉然竟以疾阻至於泯泯而弗聞謂非命耶雖然爲善者必有後而人力勝天之說亦自有不可誣者吾觀君之祖若父死事以勤策勲以勇至於君又克成翼如此善之積累有素矣則夫君之子孫將不有獲報於天顯揚於時以大君之志業於後世者乎是未可量也君細行在鄉黨者大率可紀余於此不能無所感焉故特表而出之以詔君之後人且有所俟焉成化十六年歲次庚子仲夏月十八日賜進士出身通議大夫刑部左侍郎金堂杜銘撰

布政使湯仰墓在湯毅墓側

耆儒何岷江墓在太平橋楊清風墓側

明楚雄府知府漢州

彭範撰墓志云何公諱由字惟義號岷江先世祖諱繼清自楚麻城徙蜀廣漢歷五世高祖文源曾祖貴祖添隆父鰲母邵氏生三子孟曰大瑞仲曰車先生序季少有異志入庠焚膏蘭數年不果登第乃起浴鳧清鷺之想樂田里不狗時好宗族有美惡悉勸懲無大小內外諄諄以勤儉淳朴為訓剛方正大酷嗜古籍每遇賢士虛心訪問有陶潛處士之風牧漢賜進士第淮南黃味立得其賢舉薦飲於鄉公配徐氏右室亦徐氏共生四子長克美蚤逝次克寬國學生三克學四克忠皆郡庠生公生五女長二四俱適人蚤亡三適劉儒術五適張英皆庠生世家裔也克寬娶蔣氏范氏俱亡繼娶楊氏生二子名其益其豫尚幼側室李氏亦期以嗣克學娶劉氏生三子名其泰其臨其晉劉氏疾殞葬於廣漢棕橋庶妣徐氏墓側續娶趙氏克忠娶湯氏生二子名其萃其蒙側室區氏生子三哥公生於正德九年甲戌三月初十丑時卒於萬曆壬午七月初三日時享年七十歲萬曆乙

新都縣志

卷六

祠祀志

三

酉正月初一巳時葬於新都藍家店楊清風墓左公以瑰瑋之才蚤聲士林信其儒哉以禩考之年享福平康信乎耆哉故旌之曰耆儒誠無異議矣例有銘銘曰岷水清漣兮洞且濼壽祉永臧兮人曷靈蘭茁其芽兮子與孫黃耆台背兮終遐齡浦中珠見兮佳城定牛眠協吉兮七星臨兩水合經兮萬年春奕世綿綿兮石永存明萬曆歲次乙酉春正朔乙日立

蜀藩中卿雙溪周公墓在縣南小東嶽廟側有蜀藩諭

祭文碑萬曆時立

蜀藩內官雙江常公墓與周墓合塚有蜀藩諭祭文碑隆慶四年立

川北鎮總兵冷明國墓在白水寺側

節孝錢氏墓在督橋河北

古墓二塚在城內東隅考棚前

知縣張奉書古墓記始康試士向在

縣廨余蒞任之明年始借邑之人議建考棚卜得文昌宮之隙地遂鳩工焉一夕睡正酣恍惚至一宅有儒者似曾相識授書一卷余展開良久儒者忽向後作手呼狀少選一叟自後出老僕隨之儒者指叟向余曰此詩人客死於此者其人衣冠時制風貌閒雅向余執禮甚恭具道姓氏鄉里詞旨悲切使人悽惋余舉趾欲去而鷄聲嚶嚶東方已白沉思所言渺若河漢獨記其乞余保衛一語心切異之翌日詣工次見蓬顆中撮土類塚者二匠作將平之余亟止之詢之士人曰古墓余中心感觸墓中人豈非夢中人耶不然何以昨與夢相接今卽履其地耶而荒塚壘壘然又恰符其數耶爰剪其藜莽而培治之立石於上曰古墓嗚呼叟以能詩名而竟老死異地生前之遇可想矣詩人少達而多窮其信然歟乃身後之名終於湮沒弗彰豈不重可悲夫雖然前緣未盡後晤可期叟如有

新都縣志

卷六

祠祀志

三

知重入我夢當表其姓名鄉貫更勒石於墓左道光戊戌仲春上浣

國朝嘉禾縣知縣宋懋迪墓在縣北雙龍菴側

誥封朝議大夫李珪墓在縣北老君觀側

誥封朝議大夫湖南常德府知府李陽域墓在老君觀

側

何孝童國興墓在縣東二十里彌牟鎮

知縣張奉書遷葬何

孝童墓碑記道光十六年余履始康任卽聞有何孝童事孝童名國興邑之彌牟鎮人家綦貧父廷楷以負販爲業母鄧氏患癱久臥床褥左右只孝童一人侍奉壬午閏三月夜鎮遭火延燒七十餘家時廷楷遠販未歸童年僅十三無力負母出呼號求救迄無應者奔至母所欲強扶母出火已及

門不得出遂抱母焚死地鄰報知前令春公明覽
棺葬之並立碑墓側常閱福建通志載建寧童子
徐志夏年十三隨父立恭入山父為虎所攫志夏
號泣追之虎擲父於地據其旁睨志夏志夏抱父
大哭虎注視良久舍去父子俱得無害徐與何俱
十三齡童子耳徐則父子同生何則母子並死其
所遭抑何有幸有不幸耶然所遭雖異而危急在
亡之秋只知有父母不知有己身其精誠醇摯固
自無不同也嗚乎是可感矣今年夏余因公赴鎮
至童墓所視之碑立道左字已有漫滅處而墳則
叢葬亂塚間戚然傷之曰此非所以安孝子之心
也爰傳集鎮中紳耆及何姓族眾商之於墓側隙
地周圍植墻垣遷孝子墓葬於前其父母墳葬於
後今而後孝子於地下得以朝夕寢門可以安孝
子之心而余為父母斯民之責亦藉以稍
慰爰叙其始末豎碑於壁以垂不朽云

縣志

卷六

祠祀志

三